






John Carter Brown
Library
Brown University





RVDIMEN

TORVM COSMOGRAPHICO

*rum Ioan. Honteri Coronensis libri III. cum
tabellis Geographicis elegantissimis.*

De uariarum rerum nomenclaturis per
classes, liber I.



TIGVRI APVD FROSCHO

uerum. Anno, M. D. XLVIII.

RADIMEN

TO THE DOCTOR OF THE UNIVERSITY OF

THE UNIVERSITY OF THE CITY OF

THE UNIVERSITY OF THE CITY OF

THE UNIVERSITY OF THE CITY OF

THE UNIVERSITY OF THE CITY OF



THE UNIVERSITY OF THE CITY OF

THE UNIVERSITY OF THE CITY OF

RVDIMENTORVM COS

mographicorum Ioannis Homerici Co-

ronensis Liber I.



Ocelorū partes, stellas cum flatibus, urbes,
Regnaq; cum populis, sparsas & in æ-
quore terras,

Montesq; & fluuios, iunctisq; animalia plantis:
Officia ac sectas uarias, operumq; labores,
Morborumq; simul species & nomina dicam.
Mundus in æthereum, qui desuper imminet orbi,
Inq; elementorum duplicatur corpora primum.
Æthereus duplices sphaerarum continet orbes,
Fixaq; cum septem stellis errantibus astra.
Maiores cycli, qui mundum partibus æquis
Distribuant, ut signifer æquatorq; feruntur:
Quemq; dies medius designat, & imus horizon,
Lacteus, ac duo qui ducuntur ab axe coluri.

Zodiacus primum bisseis undiq; signis
Conspicius, tropicum attingens obliquius utrunq;
A summo cancerum, capricornum cernit ab imo.
At qui signiferum rectus secatur, inq; priori
Lanigeri libraeq; gradu lucem æquat & umbras,
Æquator, media in mundi regione locatur.

LIBER

Qui paribus spatijs occasum cernit & ortum
 Circulus, & gemino concurret semper in axe:
 Discernitq; diem, uariatq; mensembrinus orbem.
 Hinc medium sphaerae superum distinguit ab imo
 Alter, & is coeli primum terraeq; supremum
 Coniungens, fertur (quia uisum finit) horizon.
 Lacteus hinc sequitur candore notabilis ipso,
 Qui solus caelo spectatur nocte sereno,
 Transuersusq; diu geminum praetermeat axem.
 Mox bini subeunt, qui quattuor ante relatos,
 Seq; secant, gemino eoëntes cardine mundi,
 Tempora qui signant anni, coelumq; per astra,
 Quattuor in partes diuisum mensibus aequis.

Hinc alios numerant praedictis orbe minores,
 Qui per inaequales diducunt sidera partes.
 Circulus ad boream complectitur Arcton, & intus
 Sidera concludit liquidum fugientia pontum.
 Alter ad aestiui defixus sidera Cancri,
 Solstitio longum cogit decedere Solem.
 Tertius hunc ultra Brumalis nomine dictus,
 Quo noctem tropico sol porrigit in capricorno.
 Vnus ab his superest extremo proximus axi,
 Quem terris pressum notius describit horizon.
 Hisq; parallelis zonis tibi quinq; profundum

Diuiditur

P R I M V S.

Diuiditur cœlum, totidemq; plagæ orbe premuntur,
 Quarum quæ media est, uix est habitabilis æstu,
 Nix tegit alta duas, totidem inter utraq; locatæ
 Temperiem retinent mista cum frigore flamma.
 Hanc nos incolimus, contraq; antichthones illam.
 Nec dubium antipodes multis consistere terræ
 Partibus, ad centrum directis undiq; plantis.
 Puncta duo cœlum in paruos ubi uoluitur orbes,
 Constituere polos, geminoq; à cardine mundi
 Per centrum terræ tenuis deducitur axis.

Signifer hinc bissex obliquat sidera, quorum
 Sex uidet ad boream, sex æquidialis ad austrum.
 Terdenis gradibus signum distinguitur unum,
 Bis tricena, gradus memoratur habere minuta.
 Atqui signorum uaria est natura genusq;,
 Mascula sunt, aries, gemini, leo, libra, sagitta,
 Fusor aquæ, iunctumq; simul sortita calorem.
 At sibi scæmineam consciscunt frigida sortem,
 Bos, cancer, uirgo, capricornus, scorpio, pisces.
 Frigida sunt nocti, sed mascula sacra diei.
 Ipsa quoq; his anni uariantur tempora signis,
 Namq; aries, taurus, gemini, sunt sidera ueris:
 Aestatem cancer, leo trux cum uirgine complent,
 Scorpius autumnum, & duplici cum lance sagitta:

LIBER

Inde hyemem pisces, capricornus, aquarius addunt.

Restat adhuc eadem ternis proportio signis:

Igneæ triplicitas aries, feruens leo, Chiron:

Terrea sed taurus, uirgo & capricornus habentur:

Aëream sortem chelæ, urniger atq; gemelli:

Scorpius appropriat, piscesq; & cancer aquosam.

Deniq; cum uegetet communis corpora uirtus,

Singula membra tamen quoduis sibi uendicat astrum:

Quippe aries capiti, taurus ceruicibus hæret,

Brachia sub geminis censentur, pectora cancro.

Sorte regit scapulas leo, uentrem atq; ilia uirgo,

Libra tenet lumbos, & scorpius inguine regnat,

Arcitenens femori, genibus capricornus amatur,

Cruraq; fusor aquæ reficit, uestigia pisces.

Et quoniam uariæ currentes ordine stellæ

Corporis æquales spacio, similesq; colore,

Haud internosci poterant, solertia sparsas

Struxit in effigiem & uariarum membra ferarum,

Imposuitq; simul iunctis cognomina stellis.

Ad boream geminas ingens Draco diuidit Arctos.

Hinc subit Arctophylax pariterq; Corona, Lyreæq;

Proximus Engonasis: post hunc ophiuchus & Anguis,

Mox Aquila & Telum surgunt, & lactea Cygni

Sidera, Pegasus hinc sequitur Delphina, simulq;

Andromede,

PRIMVS.

Andromede, Cephæusq; & Cassiopea parentes,
 Armatusq; gener Peseus: circum ora Medusæ
 Horrida, Deltoton simul Heniochusq; feruntur,
 Hinc aries, taurus, gemini, cancer, leo, uirgo,
 Libraq; scorpius, arcitenens, caper, hydria, pisces.
 Cetus & Eridanius post hæc uertuntur ad austrum,
 Orionq; premens Leporem. Procyonq; resurgens,
 Inde Canis maior stellataq; cernitur Argo,
 Perq; trium loca signorum se porrigit Hydra,
 Craterem dorso gestans, Coruumq; loquacem.
 Hic Fera Centauro resupina tenetur, at ultra
 Thuribulum, notie Piscis fugit astra Coronæ.

Sunt etiam propriæ dictorum sidera partes:
 Pleiades in dorso tauri sex esse feruntur,
 Fronte sedent Hyades, fundendis imbribus aptæ.
 Inde Propus pedibus geminorum præuia, sed quæ
 In cancro nubem referunt, Præsepe uocantur,
 Moxq; duo circum Præsepe feruntur Aselli.
 Regia stella nitet generosi in corde leonis,
 Virginis in summa gestatur Spica sinistra,
 Sed Protrygeta subit prope dextram uirginis alam,
 Quattuor in dextra quæ conspiciuntur aquari,
 Vrnæ: at quæ pisces connectunt, Vincula dicunt.
 Nodus inest Vinclo: pedibus subiecta Bootæ

LIBER

Arcturi stella insequitur Plaustrumq; Bouesq;
 Postremas Helices stellas: humeroq; sinistro
 Heniochi residet sidus pluuiæ Capellæ,
 Inq; manu leua geminus discernitur Hædus.
 Ast argo in summa micat inclyta stella Canopi.
 Sirius inde Canis fixus maioris in ore.

Hinc tibi per medium septem decliue feruntur,
 Saturnus, Sol, Luna, Venus, Mars, Iupiter, Hermes
 Fixa quidem toto circumuoluuntur olympo
 Sidera, sed proprios retinent errantia motus:
 Semper enim currunt fixis contraria stellis,
 Atq; domos habitant bisseña per astra, suasq;
 Exercent illic proprio quisq; ordine uires.
 Luna tenet cancrum, geminos cum uirginis astro
 Mercurius, tauro & chelis Venus ipsa quiescit.
 Feruidus inde leo Soli, sed scorpius ardens
 Atq; aries Marti cedunt: hinc piscis uterq;
 Centaurusq; Iouem, Saturnum fusor aquarum
 Rectorem agnoscit, simul ægocerotis & astrum.

At planetarum in rapidis distantia signis,
 Dicitur aspectus, quo se impediuntq; iuuantq;
 Cum duo planetæ alterutris distare uidentur
 Sextam signiferi partem, uel per duo signa,
 Aspectus fertur sexangulus: at tria quartam

Zodiaci

PRIMVS.

Zodiaci partem cum stant per signa planeta,
 Conspicitur facies quadrangula: tertia sed pars
 Signiferi, reddit per quattuor astra trigonum.
 Deniq; per mediam contraria sidera partem
 Eminus aspectum soliti firmare planeta:
 Ac certis spacijs concurrere rursus eodem
 In signo, quoties superi obscurantur ab imis.
 Sunt etiam aduersa gemini se parte secantes
 Orbis, quos faciunt Solis Lunæq; meatus:
 Sectio qua Phœbe gelidas ascendit ad arctos,
 Hæc eadem caput est: sed & altera cauda draconis,
 Quæ Luna imbriferum cursu descendit ad austrum.

Accipe quo spacio perlustrent signa planeta:
 Saturnus cursum duodena per astra rotatum
 Motu retrogrado terdenis conficit annis.
 Bissenisq; Iouis bisseña perambulat astra
 Sidus: at ipse duos graditur Mars amplius annos.
 Sol in se sua per uestigia colligit annum.
 Signa Venus, dubiusq; anno minus amplius Hermes,
 Sed bis quindenis percurrit Luna diebus.

Hinc ortum triplicem nobis posuere priores,
 Quo stellæ ascendunt, obituq; sub æquora pergunt.
 Cospicus exorto stellas cum sole reducit,
 Cum simul aduersæ tingunt se Tethyos undis.

LIBER

Occiduo Chronicus surgentes cernit horizon
 Sole, & in opposita stellas regione cadentes.
 Quin ubi Phœbus equis summo procul axe recessit,
 Incipiunt stellæ sensim apparere minores.
 Mox cum sol propior flammis opera omnia lustrat,
 Astra polo fugiunt, quorum simul agmina cogit
 Lucifer & cœli statione nouissimus exit.

Vt stellæ in longum primo distare uidentur
 Arietis à puncto, sic has ecliptica monstrat
 Linea signiferi in latum celsissc. Per axem
 Et fortunatas quæ transit linea terras,
 Inde quidem trahitur distantia longa locorum.
 Sed spaciū latum est, quod ab æquatore recedit,
 Atq; poli gradibus respondet ubiq; leuati.
 Declinat sidus, cum distat ab æquidiali.
 Eleuat, ex imo quod in altum mittit horizon.

Messembrinorum quiuis semisse recepto,
 Quindenique gradus, respondent protinus horæ
 Vnius spacio: sex & triginta feruntur:
 Quisq; gradus denos retinet: quantoq; recedit
 Longius à medio noctes æquante diesq;
 Orbe, magis coiens geminum decrescit ad axem,
 Aestiuosq; dies numerosis explicat horis.
 At gradus in longum, sub cyclo scilicet æquo:

PRIMVS.

In latum, stadijs respondet ubiq; locorum
 Quingentis, quorum spacia hæc tibi carmina signant,
 (Quattuor ex granis digitus formabitur unus.
 Est quater in palmo digitus, quater in pede palmus:
 Quinq; pedes passum faciunt, passus quoq; centum
 Quinq; & uiceni stadium dant: sed miliare
 Octo dabunt stadia, & duplatum dat tibi leucam.)
 Milleq; bis decies passus nunc iura diurnum
 Constituere uia spacium: miliaria forte
 Quattuor, exiguae minus nostratia reddunt.

Inferior mundus tellure & aqua, aëre & igne,
 Dicitur ex primis rerum consistere causis:
 Ex quibus assiduis uicibus modò cuncta creantur,
 In quæ iterum, quicquid natum est, natura resoluit.
 Aëris æthereo uis est stabilita sub igne,
 Quæ sibi dissimilis triplici regione notatur,
 Summa calet, media est gelidissima, proxima utrunq;
 Aestatem ac frigus diuerso tempore sentit.
 Quippe uapor duplex ascendit in aëra, primus
 Crassus & humidior propria grauitate tenetur:
 Aridus atq; calens sine pondere profilit alter.
 Ex humente quidem concreescere sæpe feruntur
 Hybernæq; nives, matutinæq; pruinae,
 Largior & crassius descendens nubibus imber,

LIBER

Roresq; nebuleq; & mista grandine nimbi.
 E sicco alterna generantur sorte uapores,
 Fulgura cum tonitru, rapidi cum fulmine uenti.

Nomina uentorum posthac patriamq; docebo:
 Quattuor oppositis ueniunt è partibus orbis,
 Quos circum uarij dextra læuq; feruntur,
 Impelluntq; leues aduersis flatibus auras. .
 Frigidus à summo descendit Aparctias axe,
 Circius ad zephyrum, Boreas hunc cingit ad ortum.
 Auster ab aduerso pluuias inducit olympo,
 Ab Lybe qui dictum, dictum quoq; spectat ab Euro.
 Insuper & uerno flat Subsolanus ab ortu,
 Solstitium huic sociat retrahentem nubila uentum,
 Brumalesq; tropæ uiolentum flatibus Eurum.
 Occiduo Zephyrus de cardine spirat, at ipsum
 Africus hyberno contingit sole cadente,
 Ac simul Argestes æstiuo solstitiali.

Tempus & ad solidam propius descendere terram,
 Quæ centro in medio penitus firmata quiescit.
 At circum roseis sol uectus ubiq; quadrigis,
 Exortu lucem, discessu procreat umbram.
 Eclipsimq; facit, si quando corpora lunæ
 Obiectu terræ radijs intacta relinquit.
 Oppositusq; leuem pingit sub nubibus Irim.

PRIMVS.

Nec dum etiam solitas diuersis mensibus anni
Continuare uices, uariasq; nouare locorum
Perpetuo cessat motus discrimine formas.

Longa parallelis est subdita terra duobus,
Vnde dies mediam ab reliqua distinguitur horam:
Climaꝑ; in oppositis memoratur partibus orbis.
Atq; hinc per Meroen, per niloticamq; Syenen,
Et per Alexandri, rhodij quoq; Apollinis urbes,
Perq; Hellepontum atq; Borysthenis ostia currunt,
Riphaeasq; arces, quibus additur ultima Thule.
Inde per antithesim contraria climata longas
Imparibus spacijs uariant noctesq; diesq;.
Quinetiam tellus uaria ratione uocatur,
Insula; continuum simul & peninsula, & isthmus.
Aequoreos itidem fluctus, quibus abditus orbis,
Oceanum appellant, pelagusq; sinumq; fretumq;.

RVDIMENTORVM COS

mographicorum Liber II.

NVnc quoque terrarum triplices percurrere
partes,
Europæ, pariterq; Asiæ, Libyæq; calentis
Aggrediar, priscis miscens noua nomina regnis.
Nanq; uelut rerum cursus sub sole per orbem
Incertis uicibus nunc huc, nunc fluctuat illuc,
Nec retinere ualet stabilem per secula sortem.
Sic olim indigenis bello, fame, peste fugatis,
Nomina sæpe nouis sunt commutata colonis.
Finibus Europæ clauduntur Iberica regna,
Quæ prima oceanum spectant, solemq; cadentem.
Hinc sursum uersus borealia littora Galli,
Germaniq; tenent, & gentes Sauromatarum,
Quæ Scythiam partim contingunt solis ab ortu:
At Scythiam Thraces opibus belloq; superbi,
Et Macedum quondam clarissima regna sequuntur.
Græcia dehinc notium longe procurrit ad axem,
Cui Peloponnesus himari coniungitur Isthmo.
Hinc procul ionios exceptans margine fluctus
Adrias, Illyricis Italos seiungit ab aruis.
Europæ medium Dacorum regna tenent: mox
Pannoniæ

S E C V N D V S.

Pannoniæ tellus uicinis iuncta Polonis,
 Vndiq; terrificis premitur nimis obuia bellis.
 Principioq; triplex Hispania continet urbes,
 Bætica quas posuit, quæ nunc Granata uocatur:
 Quasq; Tagus spectat per Lusitanica regna,
 Quæ modo Castiliæ mutato nomine tellus,
 Galliciæ simul & Portugallensis habetur.
 Et quas præcipiti cursu pertransit Iberus,
 Qui per Nauarram tarraconensia rura
 Obliquus fugiens, pelagi coniungitur undis.
 Corduba principio præpollet, & Ispalis urbes,
 Priscæq; Tartessus, Paxiulia, Compostella,
 Hinc & Vlyssippo simul & Salmantica, moxq;
 Illipulæ magnæ & geminæ Carthaginis arces.
 Toletum, infelixq; olim Numantia, Burgis,
 Mœniæq; Emeritæ, & Gallis uicina Gerunda:
 Tum Pompeiopolisq; Augusta; cæsaris, atq;
 Tarraco quæ nomen citimo dedit inclyta regno.
 His iungas ueterem cum Barchinone Saguntum,
 Dertosamq;, urbemq; Valentiis nomine dictam,
 Ac plures alias, ubi non obscura feruntur
 Flumina, & hesperio recludunt ostia ponto,
 Bætis, Anas, Doriæq; simul Miniq; fluenta,
 Et Tagus auriferis passim foecundus arenis,

LIBER

Hic Sacrum, Nerium, promontoriumq; Trileuce
 Oceano incumbunt: pelago Scombraria, Calpe,
 Quæ sociam spectat trans æquora stricta columnam.
 Gallica Pyrene sublimi uertice regna
 Hispanis terris discernit solis ab ortu,
 Quattuor in partes diuisa: Aquitania prima est,
 Celtica quam sequitur: sed Belgica Narbonensem
 Desuper arctois submotam spectat ab oris.
 Has nunc alternis uicibus tenuere minores,
 Gasconij Turonensesq; nouiq; Britanni,
 Normandi, Franci, Burbonenses & Auerni,
 Picardi Flandriq;, Hanones dicesq; Brabantii,
 Campaniq;, & quos Burgundia prisca Sabaudis,
 Ac Delphinatus pariterq; Prouincia iungunt.
 Verum Aquitanorum celebres memorabimus urbes:
 Primaq; Burdegala est, post hanc Genebumq; tenetur,
 Et Turonensis tellus, & Auaricon, Andes.
 Lutetiam inde colunt, & lugdunensia Celtæ
 Moenia, sed celsit Rotomagus in ordine Belgis,
 Et Gandauorum populi, ciuesq; Louani.
 Tullion hinc Lotharingorum atq; metensia rura
 Intermixta manent germanis undiq; terris.
 Cis Rhodanum Auenion iacet, Allobrogumq; Vienna:
 Mox Arelas Geneuæq; lacus, Visontion, atq;

Masilia

S E C V N D V S.

Masilia externis quondam constructa colonis.
 Vltior Narbo, Mons pessulus atq; Tolosa.
 Sequana post Mosam, Ligeris, fluiusq; Garumna,
 Oceani repetunt diuersa per ostia fluctus.
 In medium pelagus concordi fluminis alueo
 Ipse Araris Rhodanusq; Isara atq; Druentia currunt.

Germanas etiam terras prope flumina Rheni,
 Atq; alias alio iungam sub sole iacentes.
 Occiduas partes gens martia Germanorum
 Heluetij, simul & Vastii colit incola regni:
 Moxq; Sicambrorum populi, cultiq; Bataui.
 Cimbrica cum Frisij Septem subiecta trioni
 Cherfonnesus habet Pomeranos proxima saltus.
 Slesia sed roseos solis consurgit ad ortus.
 Inde Morauorum transgressus rura uidebis
 Austriacos colles & campos uitibus aptos.
 At Styria scopuli, rarisq; Carinthia campis
 Australes, tangunt Athesina cacumina: moxq;
 Heluetiae summis aquandæ nubibus alpes,
 Quattuor in partes aliò currentia fundunt
 Flumina, Danubium, Rhenum, Rhodanumq; Padumq;.
 Interiora tenent diuersis Teutones arua
 Nominibus, iuxta Hercyniam cultissima syluam
 Rhoetia Vindelicos Virtembergensibus agris

LIBER

Diuidit: Alfaciam post hos Franconia iungit
Hessorum populis: quin & Turingia Misnae
Saxonas ac Marchos sociat, sed Norica tangit
Oppida, continuis munita Boëmia syluis.

Trans Rhenum celebris Costantia prima tenetur,
Mox Basilea, simulq; Argeminiensia rura.
Treuëris inde uetus Maguntinensibus aruis
Iungit Aquisgranum, Agrippinensesq; colonos.
Geldria, Traiectum pariterq; Antuerpia magno
Vicinae oceano, cis Rhenum plurima passim
Oppida respiciunt Frysiorum ac Vestfala rura.
Lipsia Brunsvigam gelidas hinc spectat ad arctos,
Casiliam ad zephyrum, disinctos rursus ad amnes
Hinc atq; hinc geminam Francfurti dispicit urbem.
Ast Erfordensi succedit proxima tractu
Herbipolis, simul & uicinior Ulma Tubingæ.
Norica metropolis post has, & Praga sequuntur,
Breslaq; Lubecumq; ac Vitemberga: sed ultra
Danubium, tepidoq; habitata propinquius austro,
Grecia, Villacumq;, Oeniq; cacumina pontis.
Hisq; Salisburgam socies, pulchramq; Viennam,
Cumq; Ratisspona Monachum: dehinc Vindelicorum
Augustam placet, & Patauinas addere ripas.
His quoq; largisui fontes miscentur & amnes:

S E C V N D V S.

Ad boream currunt Amasus, Visurgis & Albis,
Rhenus, & hinc Odera, ac popularis utriq; Sucuus.
Danubius reliquos secum deducit ad ortum.

At nunc Sarmaticos campos Scythiamq; niualem
Cis Tanaim fluvium & Maotidis ampla paludis
Aequora, sub stellis geminae lustrabimus Vrse.
Hanc terram primum ueteres coluere Agathyrsi,
Et cum Thyssagetis Nomades, rigidiq; Georgi,
Quin & Hamaxobij plaustis sine sede uagantes,
Basternæq; Getæq; sagittiferiq; Geloni.
Insuper Euxino propior gens Taurica ponto,
Taurica supra alias quondam seuissima gentes:
Sed cultus terræ postremis mitior annis
Contigit. Hesperiam partem, zephyrisq; propinquam
Nunc propria duplices retinent dititione Poloni,
Et quæ Sarmatico coniuncta est Prussia ponto.
At Massouitas simul & Samogitia rura,
Ad boream accliu sequitur Liuania tractu.
Nec procul hippophagis affinis Russia Moschis,
Iunctaq; Lithuanos tangit Podolia saltus.
Est etiam extremo quædam sub cardine tellus,
Ac Noriuegorum glaciali proxima ponto
Littora & indomitis contermina Suetia Gottis,
Scanorumq; rigens arctico frigore tractus.

LIBER

Sed tamen & cælo propiora fruuntur iniquo
 Oppida, Riphæis nimis infestata pruinis.
 Atq; ideo raræ indigenis cultoribus urbes,
 Quas inter celebris Posnania prima Plocenses
 Dantiscosq; pari discernit limite campos.
 Inde Toronensi Mons regius additur urbi,
 Moxq; propinqua Rigæ Marieburgensibus agris
 Littora, Sarmatici; caput Cracouia regni:
 Quin & Lublinæ sociata Premisla terræ,
 Vilna quoq; & propior Leoburga tepētibus austris.
 Istula præterea, liquidiq; Borysthenis unda.
 Pluraq; per Scythicas currunt sine nomine terras
 Flumina, stagnantesq; augent remorata paludes.

Sed iam tempus erit propiores uisere partes,
 Pannoniam Illyriamq; simul, Thracenq; cruemi
 Mauortis patriam, nimium nimiumq; propinquos
 Dalmatiæ fines, uastatamq; undiq; Bosnam.
 Myforum inde solum, Dacorumq; oppida: quæ nunc
 Moldauiq; tenent, transalpiniq; Valachi.
 Et quæ carpathio septem circundedit arces
 Vertice, bulgaricis modò Transyluania terris
 Haud multum disclusa. Sed enumerabimus urbes:
 Regia Budensis prima est, mox Agria, post quam
 Crenniciæ montes, Posonensiâq; arua sequuntur,

S E C V N D V S.

Et cum Strigonici Cassovia prisca colonis. •
 His quoq; Bellogradum, & regalem iungimus Alban,
 Emporiumq; simul Varadini, atq; alta Cibini
 Mœnia, præcipitiq; sitam sub monte Coronam,
 Quam primam Europæ Christi documenta sequentem
 Sol oriens radijs lustrat propioribus urbem.
 Mox Adrianopolis Sophiæ uicinior aruis,
 Nicopolisq; triplex iacet, & Selymbria, Varna:
 Inde Liburnorum Scardona, simulq; Ragusi,
 Quæq; tenent Ponti Byzantia littora fauces.
 Quid memorem Anchialonq; Heracleamq; Perinthūq;
 Abderamq; Maroneamq; & Olynthon & Aenon,
 Callipolimq;, & quæ sociant freta Seston Abydo,
 Atq; alias, quarum iam nil nisi nomina restant?
 Imò etiam patrijs nunc uix hæremus in oris.
 Non tamen antiqui desunt regionibus omnes.
 Danubius secum defert Oenumq; Lycumq;,
 Germanos fluuios: sed aquæ septemplexis Istri
 Nomine mutato decliuius undiq; ripis
 Præcipitem Drauum ac Sauum, placidumq; Tibiscum,
 Et patrium simul in Pontum comitantur Alutham.
 Strymonis Aegæo, Nessiq; Hebricq; fluenta
 Miscentur pelago. Montes quoq; partibus illis,
 Ismarus & Rhodope, coniunctusq; Orbelus Hæmo,

LIBER

Et qui Dalmaticis late discernit ab oris
Rascentes populos sinuoso uertice Scardus.

Vltior Macedum tellus, quondam incluta regna,
Continet Albanos, mox Pæonis atq; Pelasgos
Æmathiæ campos quoq; Mygdoniæq; recessus.
Has prope Thessalicis Magnesia iungitur agris.
Doris item spectat Locrensis rura, sed ultra
Proximat Aonijs Phocensis & attica tellus.
Trans Isthmum Aetoli simul & uicinus Acarnan,
Epirusq; iacet, uarijs distincta colonis.
Atq; hæc prisca quidem, nunc Turcia tota uocatur.
Helladis at uix dum uestigia parua supersunt.
Quin igitur ueteres potius celebrabimus urbes:
Primaq; Dyrrachiū est, urbisq; ab Apolline dictæ
Mœnia, Pieriæq; domus gratissima Musis.
Hinc Hypatæ Phthiæq; & Larissæ sequuntur
Oppida, mox & Opus, & Pella insignis alumnis,
Et quæ prima fidem nostrum diffudit in orbem,
Amphipolisq; simul, necnon Berroæa Philippiq;,
Et Thebæ Baccho celebres, & Apolline Delphi.
Aulidis hinc portus, Megara & cerealis Eleusis,
Tum proprium diuæ cognomen & urbis Athenæ.
His quoq; Naupactum, Anticyram & Calydonia rura,
Leucadaq; Ambraciamq; simul, glandisq; feracem

Dodonam

SECUNDVS.

Dodonam & celsam Buthroti iungimus urbem.
 Per Macedum fines pelagi petit Axius undas:
 Nec procul & Chabrius rapidiq; Haliacmonis amnis,
 Peneusq; fluens medius per Theſſala Tempe:
 Sperchij Iſmeniꝑ; uadum, Cephifus & acer
 Illiſſus, crebrasq; urgens Achelous arenas.
 Quinetiam uarij celebramur in Hellade montes:
 Pelius, Othrys, Athos, & fato nobilis Oeta
 Hercules, & bijugo Parnaſi uertice colles:
 Virgineusq; Helicon, natusq; ad ſacra Cithæron,
 Oſſaq; cum Pindo, maiorq; ambobus Olympus.
 Hinc ſpectant Adriæ prærupta Ceraunia fluctus,
 Sunion Aegæum. Sed uastas carmine terras
 Helladis emenſi, bimarem tranſibimus iſthmum.
 Ac ſimul argolicas & achæidas atq; Laconum,
 Et Peloponneſi reliquas per littora gentes,
 Urbibus ex proprijs dictas luſtrems, & intus
 Arcadas antiquos: quibus adiſcientur & urbes,
 Argosq; Sparteq; agamammoniæq; Mycenæ:
 Mox Epidaurus adeſt, & nobilis ære Corinthus,
 Olenus & Sicyon, Patræq; humilesq; Cleonæ.
 Gythion ac Træzen, Meſſene, notaq; Lerne.
 Inde Methona, Pylus. Piſarum atq; Elidis urbes,
 Mantinea, Tegeæ, Megalipoleosq; coloni.

LIBER

Inachus Argolicos campos, Asopus Achivos,
 Eurotas cultus Lacedæmonis irrigat agros:
 Nec procul Alphæus lapsus subter mare, qui post
 Ore Arethusa tuo siculis confunditur undis.
 Arcadiam illustres incingunt undiq; montes,
 Menala, Taygetus, Pholoë ac Stymphalides umbræ,
 Et cum Cylleno gelidi pineta Lycei.
 In mare Spiraëum tendit, Maleæq; furentis
 Aëstus, & Acritas ac Tanarus ostia Ditis.

Hesperios procul hinc tractus, atq; itala regna
 Incingit mare quod supra, quodq; alluit infra:
 Sed mediâ duplices secat Appenninus utrinq;
 Ausoniam in partes, Adriam littusq; sinistrum
 Cum Carnis Venetiq; colunt, Galli; togati,
 Umbri Picentesq; uiri, Prisci; Sabini,
 Pelignosq; sequens Erentanus & Appulus agros.
 Hic salentini calabriq; per oppida campi,
 Magnaq; in ausonijs habitatur Græcia terris.
 Brucia Lucanos tyrreno littore primos,
 Et Campanorum letos circum æquora colles,
 Volscorumq; domos spectat, ueteresq; Latinos,
 Hinc Ligurum populos, Hetruscorumq; penates,
 Insubriumq; agros, spaciosasq; insuper urbes:
 Quæq; tenem Veneti munita palatia ciues,

Et

S E C V N D V S.

Et Mutinæ Patavîq; arces, ditisq; Ravennæ.
 Histrorum inde iacent Tergeste, Aquileia tractus
 Ultra Ancona mari spectata, Bononia campis,
 Mox & Ariminon & Ferraria, Nursia, Sulmo,
 Sipuntum atq; Amiterna domus, Venusinâq; rura,
 Brundisium, Hydruntûq;, propinquaq; tecta Crotonis.
 Inde Tarentinæ Metapontum iungimus urbi,
 Rhegion ac Locros, bifertiq; rosaria Pæsti,
 Sîrenum scopulos, promontoriumq; Mineræ,
 Surrentum, Capuam atq; altum Prænestè, Salernum,
 Parthenopesq; arcem, & Cumææ templa Sibyllæ,
 Nuceriæ & Nole Beneventanosq; colonos,
 Antiphatæq; domum, & circeæ littora terræ.
 Mox Caieta iacet, Sinuessâq;, Tybur, Aquinum,
 Ardeaq;, & rerum quondam pulcherrima Roma.
 Roma caput mundi: Perusinaq; rura sequuntur,
 Et Florentinis immissus mœnibus Arnus.
 Nec Mediulani pulchram reticebimus arcem,
 Dertonam Ticinumq; simul, Genuamq; superbam,
 Tridentum Pisanâq; urbem, ucteremq; Cremonam,
 Mantua quam sequitur, Verona, Placentia, Parma,
 Atq; aliæ plures, quas præterlabitur annus
 Eridanus, post hunc Rubicon præceptsq; Timæus:
 Hinc Tifernus, & Hirpinis è montibus ortus

LIBER

Aufidus: ac Tuscum qui deuoluuntur in æquor,
 Vultur nusq; celer, Silari Sarniq; fluenta,
 Cuiq; fuit rerum concessa potentia, Tybris.
 Sed quis finis erit, si prosequar omnia uerbis.
 Oppida & apricos colles, syluasq; lacusq;,
 Fluminaq; & campos, sinuososq; undiq; portus?
 Omnia sunt fama totum uulgata per orbem.

RVDIMENTORVM COS- mographicorum Liber III.

HActenus Europæ lustratis ordine regnis,
 Et procul hinc uentis immensa per æquora uecti.
 Tandem Asiæ magnæ populos uideamus & urbes.
 Hanc late triplici contingens littore uastus
 Alluit oceanus. Zephyris obuersa tenetur
 Inclyta Syrorum tellus, Asiæq; minoris
 Portio, & antiquo notissima carmine Colchis.
 Tum uariæ gentes passim deserta Scytharum,
 Mox etiam tenui felices uellere Seres,
 Tartariciq; tenent borealia rura coloni.
 Hinc oriens Scythiam trans celsum spectat Imaum,
 Regnaq; trans latum quæ resant indica Gangem.
 Quinetiam interior longe procurrit ad austrum
 India, Carmanisq; propinqua Gedrosia terris.

Persidis

T E R T I V S.

*Persidis inde solum sequitur, chaldaëaq; regna,
 Totaq; thuriferis Panchaia pinguis arenis.
 Multæ intus gentes celebres, populiq; potentes
 Terrarum uarios sparsim tenuere recessus.*

*Sed nos iam Syriae pennus aduersa fauoni
 Littoraq; & terram lustremus melle fluentem.
 Prima Palæstinam Sirbonidis alluit unda,
 Mox & oliuiferis Iudææ collibus, illinc
 Phœnissas pariter gentes, Apamenaq; rura,
 Verum hinc palmiferam prorsus sociabis Idumen.
 At Galileorum spaciofo limite fines
 Latifluus Iordan scindit Trachonitidis aruis.
 Interiusq; solum bis quinque urbibus aptum,
 Hinc Cœlen syriam, hinc Casiotidis aspicit agros:
 Insuper & mediam concludunt flumine terram
 Tigris & Euphrates, qui per Babylonica lapsi
 Mœnia, uoluntur sinuosum in Persidis æquor.
 Sunt etiam egregiæ dictis regionibus urbes,
 Ascalo & Antipatris, pariterq; Azotia rura,
 Et Samaritanis habitata Sebastæ colonis.
 His sacram Solymorum ædem, Gazamq; potentem,
 Casarean duplicem, & priscam iungemus Ioppen,
 Cum Sidone Tyrum celebrem, & Ptolemaidis urbem,
 Beryton ac Tripolim, Myriandron, Laodiceam,*

LIBER

Tiberij, atq; alias Galilæi littoris arces,
 Et Gadarenorum fines, urbemq; Scytharum.
 Nec procul Europum claramq; uidebis Edeſſam,
 Niſibin, & Latio maculatas ſanguine Carras.
 Eſt quoq; diuerſis non una Seleucia terris,
 Prima tenet littus, medios colit altera campos.
 Palmyra deinde ſubeſt, Hieræpoleoſq; coloni.
 Antiocheia duplex, quarum accolit altera Taurum,
 Altera per medium labentem cernit Orontem.
 Chryſoroas pulchro præterfluit amne Damafcum.
 Iordanuſq; ſacer gemitus è fontibus ortus,
 Per letas ualles & amœnos undiq; ſaltus
 Tandem Asphaltitæ diris immergitur undis.
 Hoc tractu quondam Deus impietate ſuperbas
 Sulſu eis flammis Sodomorum perdidit urbes.
 Et Iericunta quidem ſimilis uindicta ſecuta eſt:
 Totaq; nunc regio priſcis uiduata colonis,
 Obruta deſertis uestigia querit in agris,
 At nunc præcipuos uideamus in ordine montes.
 Fœcundum cedris Libanum, celebrataq; fama
 Carmeli iuga: mox è quo Deus ipſe tremendo
 Fulgure cum tonitru lapſum perterruit orbem.
 Inde duplex Caſius geminato uertice ſurgens,
 Hinc Peluſiæ, inde Seleuci iungitur urbi.

Verum

T E R T I V S.

Verum age nunc tandem portas superemus Amant.
 Ac primos Cilicum populos, Asiaeq; minoris
 Littora, & internos peragremus ubiq; recessus:
 Pamphyliam & lycias urbes, Lyciaeq; propinquos
 Caras, & Aegæi confines æquoris agros:
 Ionie clarasq; domos, Lydosq; penates,
 Acolidosq; & Mysorum quondam incluta rura.
 Hinc Rhetœa iacent Phrygiæ clarissima bello
 Littora, principiumq; Propomidis Hellepontus:
 Mox Bithynorum fines, quâ strictior alter
 Bosphorus Euxinum pontum concludit: at ultra
 Paphlagonum tellus coniuncta est Leucosyrorum,
 Cappadocum & Chalybû ferri prænantibus agris.
 Inde Lycaoniæ Pisidarumq; arua, simulq;
 Meones & Galatæ medios tenuere recessus.
 Verum ea barbarie nunc tam confusa premuntur,
 Ut neq; sint noti fines, neq; mœnia terris:
 Atq; ideo ueteres urbes, & prisca locorum
 Nomina, & insignem quondam celebrabimus Iffum,
 Mox intus Cydni diuisam flumine Tharsum,
 Et crassam Soloen Pompei nomine dictam,
 Coryciamq; urbem pariter portumq; specumq;.
 Nec procul Aspendus ripas tenet Eurymedontis.
 Hic etiam Attalicis colitur uicina colonis

LIBER

Cynthia Pergensis simul & Patareus Apollo.
 Inde Cragiq; iugum, nocturnoq; igne Chimæram
 Terribilem, & Xanthi flauas linguamus arenas:
 Piscosamq; Gnidon potius, claramq; sepulchro,
 Urbem Halicarnassum, & Mausoli nomine regis,
 Aegaiq; alias memoremus littoris urbes:
 Ioniceq; caput gentis, celebrentq; uirorum
 Mileton patriam, & Mycales sub rupe Prienen,
 Cum Colophone Ephesum Latoidos æde superbam.
 Hinc Sardi coniuncta tenent uineta Timoli,
 Clazomenæ littus, sinuosos Smyrna recessus.
 Interius Trallis, Philadelphia, Laodicea,
 Pergamus ac Thyatira: sed & clarissima rerum
 Troia sub idæis radicibus, unde Scamandri
 Et Simoentis aquæ uoluntur in Hellepontum.
 Antandrus posthac subit, inq; Propontidis oris
 Cyzicus, extremoq; iacens Nicomedia Ponto.
 Hanc supra ad boream sunt & Chalcedones agri,
 Atq; Heraclæi fines, ubi dicitur olim
 Cerberon Alcides ferro durisq; catenis
 Ex Acheronte imo superas traxisse sub auras.
 Niceam Ascanius, sed Prusam illustrat Olympus.
 Inde Cythoriaco cum monte uidebis Amastrim,
 Et Teutranteos fines, notamq; Carambin:

Moxq;

T E R T I V S.

Moxq; Sinopenses medijs spectantur Amisi
 Partibus, irriguisq; assueta Themiscyra campis,
 Hic & Amazonidum prope flumina Thermodoontis
 Castra fuisse ferunt : extrema in littora Ponti
 Vertice montano Trapesus inclusa recessit.
 Interiore Sebastopolisq; & Amasia tractu,
 Ancyra & Iconium, Derbe, cumq; urbibus amplis
 Antiochenorum, uix nota parte coluntur.
 Hic tamen Aegeo curuis illabitur undis
 Meander, simul & cantu celebrata Caystri
 Flumina, Pactolo coniungitur aurifer Hermus:
 Vorticibusq; altis remorata fluenta Cayci,
 Atq; alij subcunt non parui nominis amnes.
 Parthenius posthac, & Haly uicinior Iris,
 Sangariusq;, petunt Euxini littora ponti.

His tamen omiſſis pariles uideamus ad ortum
 Armeniae tractus, praefecturasq; potentes,
 Et Pariedri altos apices, montesq; Ceraunos:
 Vltcriusq; auro celebratam & uellere Colchin.
 Ast Albanorum medios includit Iberos
 Planicies, finem Cyro quæ ducit ab anne,
 Et premit coas Hircano littore partes.
 Samosata Euphratis ripas, Melitenaq; rura,
 Tigranocerta tenet colles, Artaxata campos.

LIBER

Casspia quæ præceps ad littora fertur Araxes.
 Inde Dioscorias in sinibus Heniochorum,
 Mercibus externis & uocum mille figuris
 Inchyta, latifluas despectat Phasidis undas.
 Nec procul Hermonassa uetus, uinculisq; Promethei
 Caucasus, ac niuib. syluisq; grauat. opacis.
 Efficdones Colchis accedunt, moxq; Coraxi,
 Cummeriaeq; graui pressæ caligine terræ.
 Inde Melanchlenis Mæotidos accola Sindon
 Iungit laxamatas Scythici prope fluminis oram.
 Quin & Hyperboreos montes, Scythiaeq; niualis
 Interiora tenent uaria sine limite gentes.
 Prima Arimaſporum gryphis inimica propago,
 Finitimi quoq; Amazonicæ telluris Alani:
 Adde & Arimphæos Iaxartarumq; recessus,
 Hippophagos, Anthropophagosq; Galactophagosq;
 Quiq; intus folijs deſectunt uellera Seres.
 Multaq; præterea Scythicæ cognomina gentis,
 Quas procul à Tanai boreali parte iacentes,
 Immenſus mediam percurrens aſid. terram
 Taurus ad extremum diſcludere dicitur ortum:
 Taurus, qui dities populos terrasq; potentes
 Indorum tepidis late ſpeculatur ad auſtros.
 Hic iacet emporijs tellus opulenta marinis,

Fertilis

TER T I V S.

Fertiliꝝ omnigenum rerum: ſemperq; uirenti
 Fronde nemus biſera crebros parit arbore fructus,
 Multaq; uaftarum nutrit portenta ſerarum.
 Nulla illic hyemes, ſed ſol æſtate perenni
 Viciniſ radijs uernantia temperat arua.
 Atq; ideo multæ gemes & maxima regna,
 Sinarumq; ſolum & Chryſe peninſula. ſed quis
 Omnia barbarici tractus longeq; remoti
 Nomina, tam tenui ualeat percurrere uerſu?
 Indica ciſ rapidum ſpacioſo flumine Gangem
 Terra, Palimbotroſq; Chelonophagoſq; colonos,
 Bracmanesq; tenet, mox duros Gymnoſophiſtas,
 Bucephalaq; urbiſ fines, Nyſamq; ſuperbam,
 Quam Bacchus quondam primis orientiſ in oriſ
 Condidit: at Macedo non inferiora reliquit
 Oppida, tranſgrediens armis uictoricibus Indum.
 Haud procul oceani per littora flexa, Gedroſi,
 Carmaniq; iacent, & florentiſſima regna
 Perſidiſ: ulterius Chaldeorumq; penates,
 Orchoa, Perſepoliſq;, ſimulq; Hecatompyloſ urbeſ,
 Suſarumq; arceſ, Babylonicaq; arua coluntur.
 Aſt in ſeceſſu duplici circundata telluſ
 Aequore, Petræoſ montes, deſertaq; paſſim
 Iugera, feliceſq; Arabum diſtinguere campoſ

LIBER

Dicitur: hæc Nabatæorum procul intus ad ortus;
 Panchæumq; solum, Pygmæorumq; phalanges
 Terribiles gruibus spectat, pinguesq; Sabæos.
 Hæc thuris lacrymas, & odores pascit amomi,
 Cinnamæq; costumq; simul, casiaq; saporem,
 Et nardi fruticem, ac stillantem cortice myrram.
 Nunc Sarraceni redolentibus undiq; campis
 Rura tenent, Mechamq; superstitione potentem,
 Atq; alias celebres dictis in partibus urbes.
 Sed nos Hyrcani repetemus littoris oram,
 Assyrios, Medos, Hyrcanorumq; colonos,
 Cyropolinq; arcem, Niniq; ad Tigridis undas
 Mænia, & Ecbatanis iunctam Ctesiphonta uctustis,
 Arsaciaq; urbis tractum, longeq; remotos
 Bactrorum populos, Paropanisdumq; recessus.
 His Arianorum gentes, Parthosq; fugaces,
 Sacharumq; domos, Arachosiaq; insuper arua:
 Multaq; si libeat, Latiae non cognita linguae
 Oppida, iam dictis poteris coniungere terris.

Africa nunc sequitur feruore notabilis ipso,
 Vasta, minusq; frequens, tantum foecunda ferarum.
 Interius quæ sol medius nullas iacit umbras,
 Vruntur flammis, siccisq; teguntur arenis
 Deserti tetro serpentum afflamine campi:

Quodq;

TERTIVS.

Quodq; die, solis uiolento incanduit aestu,
 Humida nox reficit, paribusq; refrigerat horis.
 Sed notam Libyci peragantes littoris oram,
 Solis ab occasu, solis uideamus ad ortum,
 Anteq; domum Tingin, constructaq; Mauris
 Oppida, tum stellas humeris Atlanta fereptem:
 Vnde Molucha fluit, Maluæq; propinquior unda.
 Hic simul Icosium Cartennæq; arua coluntur,
 Pluresq; indigenis noti cognominis urbes.
 At numidas fines præterfluit Amsaga: post quem
 Hipponis geminae Colopisq; uidebis utrinq;
 Mœmia, Rusicadaq; solum, sedemq; Siphacis
 Longius à pelago Cyrtam, & quos Tabraca campos
 Incolit: hinc Vticam & magnæ Carthaginis urbem
 Bragada limitibus nimium discernit iniquis.
 Mox geminae Leptis tractus, Syrtiq; propinqua
 Clupea cum Taphris, ubi fundit in æquora Triton
 Collectas fluuio ternisq; paludibus undas.
 Hic circum gentes Nasamonum, Punica late
 Terra patet: mirumq; nimis quod inhospita Syrtis
 Littora Lotophagum diris incingit arenis.
 Proximus hinc sequitur Cinyps, aræq; Philænon.
 Mox ad deucum penitus Catabathmon habebis
 Pentapolis tractum, & claram Ptolemaidis urbem,

LIBER

Hesperiam, Arsinoenq; simul, medianq; Cyrenen,
Ammonisq; domum, et geninam procul intus Oasim.
Marmarida posthac passim sine manibus ullis
Vilia dispersi subeunt magalia ciues.

Inde Parætonium Mareoticaq; arua sequuntur,
Cum campis Aegypte tuis, qui littora rubri
Vasta tenent pelagi, longoq; ex ordine tractu
Aethiopum terris patrium clauduntur ad austrum.
Hic perhibent moles per iugera multa iacentes
Pyramidum celsas superare cacumine nubes.

Hic Psammettichi regis labyrinthius error:
Pluraq; non minus his extant memoranda. sed ultro
Vrbis Alexandri pariter, ueterisq; Canopi,
Et Pelusiace genis prope littora fines,
Ac procul à pelago celebres recitabimus urbes:

Antiquæ Memphi iunctam Babylona recentem,
Eubasti, Taneos, claramq; Hyperionis arcem,
Hermopolinq; Cynônq; polin: mox deinde uidebis
Intus ubi Nilus Cancri secat astra, Syenen,
Centifôres Thebas, cultamq; Diospolis aulam,
Et crocodileis exercita Tentyra monstribus,
Omnigenumq; deûm dictis procul oppida terris.

Inde sub Aegypto minus hospita solis ob æstum
Terra iacet campi longe lateq; patentis,

Monstrorum

T E R T I V S.

Monstrorum domus, & rapidis loca subdita flammis.
 Decolor Aethiopum populus per littora sparsim
 Obtinet arduos uario cognomine tractus.
 Troglodytarum cultis hac parte cauernis
 Lucifero primi Blemyæ iunguntur ab ortu.
 Ast Agisimba procul gelidis discedit ab arctis,
 Atq; umbras rerum uicinos iactat in austros.
 Hic memorant Nilum Lunæ de montibus ortum,
 Per uarios riuos uastisq; paludibus auctos,
 Hinc Elephantinamq; urbem, lateq; patentem
 In medio Meroën concludere: proxima sed post
 Aegyptus latis spaciantem flumine campis
 In pelagus Pharium septena per ostia fundit.
 Interius deserta tenent nudi Garamantes,
 Mox Elephantophagiq; Anthropophagiq; feruntur.
 Et Gamphasantes timidi, Satyriq; petulci.
 At procul hesperium late per littora tractum
 Atlantesq; feri, Getulorumq; coloni,
 Nigritæq; habitant, simul & phaurusia pubes:
 Insuper & plures alibi: sed promptius altis
 Nubibus, & nitidis dederim cognomina stellis,
 Quam totidem populos, linguas, faciesq; locorum,
 Regnaq; terrarum, cumq; ipsis oppida campis,
 Apricos montes, & opacas undiq; sylvas,

LIBER

Stagnantesq; lacus, & crebri uorticis annes,
Littoraq; & gratos possum comprehendere portus.
Has tamen è multis uariarum nomine rerum
Percurri breuiter mixtas regionibus urbes.
Quarum pars superest prisco sub nomine, pars est
Excidij deleta: locisq; manentibus ijsdem,
Per totidem linguas & secula temporis acti
Nomina diuersis causis mutata feruntur.

Nunc locus oceani, quæ sunt à Gadibus usq;
Auroram, & totum quæ circumplectitur orbem
Nereus, æquoreis ambitas dicere terras
Fluctibus. extremo terrarum fine coluntur
Castiteri uenæ celebres grauiore metallo.
At procul Hybernis succedunt Anglica regna,
Littoribus Scotiæ coniuncta: sed Anglia primam
Londinum, & claras per littora continet urbes.
Orchades hinc multæ numerantur, & ultima Thule.
Atq; in secessu propior Selandia tellus.
Vltior Scythicus boreali frigore pontus
Horret inaccessus glacie densisq; pruinis.
Multæ autem terræ solis redeuntis ad ortus
Vndiq; laudatis habitantur in æquore campis:
Sed uix nomen habent peregrinis uersibus aptum.
Taprobaneq; orbis medium sortita recessum,

Lucibus

T E R T I V S.

Lucibus æquatis depressos conspicit axes.
 Hanc circum oceano uariarum altrice ferarum,
 Quin & Erythræo plures memorantur in alto.
 Gorgonis hinc sedes, & inhospita tecta Medusæ
 Hesperio tractu surgunt: mox arua beata,
 Et fortunatæ sparsæ sine semine terræ.
 Est etiam ulterius non uisa prioribus annis
 Insula, diues opum cultuq; immanis agresti,
 Quam lucri studium, rerumq; cupido nouarum
 Prima sub extremo conspexit sole cadente.

Illa tamen ualeant: iam nunc propiora sequuntur,
 Herculeoq; freto positæ utrinq; columnis,
 Intromissa fluunt per apertas æquora terras,
 Extantesq; uagis campos mirantur in undis.
 In primis Ophiusa mari consurgit Ibero,
 Cumq; ebusitanis balearica regna colonis,
 Atq; aliæ plures passim sine honore iacentes.
 At breuib; spacijs despectat corsica tellus
 Littora Sardinia: Tyrrhenum deinde per æquor
 Pontia cum Prochyta, Capræ, Planasia: moxq;
 Scylla ferox canibus, simul & xancla Charybdis.
 Ausonia Siculæq; tenent confinia terræ.
 Inde Pithecusæ, Lipara & Vulcania, post quas
 Strongyle, & innumera penitus uisuntur in alto

LIBER

Insula: ante alias sed enim præstantior (olim
 Cyclopum Cererisq; domus) Trinacria montes
 Finibus extremis diuersa per æquora fundit,
 Cumq; Peloriade Lilyben, uastumq; Pachynum:
 Interius celebrem flammis uiuacibus Actnam,
 Atq; Erycis templum, & claras amplectitur urbes,
 Messanam, Catinam simul & megarensia rura,
 Cumq; Syracusis Drepanum, notamq; Panormum,
 Tauromenon, Camerinā, Agraganta, Leōtion, Hyblam.
 Sunt etiam Adriaco Diomedis nomine dictæ,
 Et quas Ionium late circumfluit æquor,
 Phæacum sedes Corcyra, & littus Echine
 Insula mox Cephallenorum, & nemorosa Zacynthus,
 Illustrisq; Ithaca, & Strophades quas dira Celeno,
 Harpyiæq; aliæ quondam tenuisse feruntur.
 Hinc Theganusa iacet, Veneriq; dicata Cythera,
 Insuper & Salamis, propiorq; Aegina: sed intus
 Myrtoum Sporades fluctu circumsonat æquor,
 Nisyrion, Olearon, Theram, Melonq; rotundam,
 Syron & Hippurim, Patmon, uiridemq; Donyfam:
 Inde Lebynthon & Icariam, sparsasq; per altum
 Cycladas, albentemq; Paron, planamq; Seriphon,
 Mox Delon Mycone celsa Gyaroq; reuinctam,
 Florentemq; Cythnon, Sicynon, sacramq; Lyæo
 Naxon,

TERTIVS.

Naxon, et hinc Siphnon, Rhenen, mox Tenon et Andrō.
 Separat Aonijs procul hinc Euripus ab oris
 Euboicas urbes, Chalcin, niueamq; Caryslon,
 Ceneiq; iugum, infidumq; Capharea nautis.
 Adde tot Aegeo distinctas aequore terras,
 Sciathon, & nitidis letam Peparethon oliuis,
 Tum Scopelon, Scyrum, & Vulcani moenia Lemnum,
 Threiciamq; Samum, Tenedon, mox Chion & Imbron,
 Et mitylenæam spacioſo littore Lesbon,
 Iunonisq; domum, sed Aſtypaleia rura,
 Carpathijq; maris Rhodiorum & Apollinis urbes,
 Lindon, Iulysſonq; ſimul, ueteremq; Camiron.
 Illuſtrant etiam Creten hecatompolin urbes,
 Lyctus & hinc Gnoſus, Cydon, Gortyna, Lyncæus,
 Atq; aliæ, quarum uix nomina nota ſuperſunt:
 Ida Iouis cunæ, & Dictæi culmina montis,
 Hisq; Samonion adiunges, Criuq; metopon.
 Iſſicus inde ſinus Cypri complectitur urbes,
 Cum Salamine Paphū, grauidamq; Amathunta metallis.
 Sed quid nota ſequor? multæ ſine lege iacentes
 Inſulæ occano in magno, medioq; profundo,
 Partim homini cultæ, partim deſerta ſerarum
 Paſcua, neglectis pelagi clauduntur in oris.
 Quædam iam celebres, olim ſine nomine terre

LIBER

Multarum nec honor priscus, neq; nomen habetur,
Sed libet hoc portu fessas subducere naues.

RVDIMENTORVM COS=

mographicorum Liber IIII.

Postquam præcipuis coeli terræq; marisq;
Partibus inuecti, uerboq; creata potenti,
Humanæq; manus monumenta stupemus & artem:
Nunc propiora sequi, mundumq; uidere minorem,
Et quicquid propter talem deus ipse creauit,
Ingeniumq; hominis longo quæ repperit usu
Dicere pergemus: superent modò nomina rebus.
Principio terræ dominum, rerumq; potentem,
Præstantem specie, fortunatumq; superni
Numinis aspectu, quamuis damnauerit error
Impius, & diræ subiecit corpora morti:
Non tamen ingenuæ penitus uestigia formæ,
Nec data cesserunt diuinæ semina mentis:
Quæ solus nouit, solus scrutatur ab alto,
Qui regit affectus uarios, animisq; uigorem
Suggestit, & corpus magnis uirtutibus implet.
At nobis breuiter, quæ sensibus undiq; nostris
Occurrunt notæ referentur carmine partes
Corporis & summo quæ sunt à uertice membra.

Sanguis,

Q V A R T V S.

Sanguis, adeps, cerebrum & pingui cum carne medulla,
 Venarumq; uiae graciles, arteria, nerui,
 Ossaq; membranæ, sudoriferiq; meatus,
 Et cum uisceribus distinctæ in corpore fibræ.
 Moxq; decus capitis uultus, geminaq; lucernæ
 Corporis, & custos teneræ palpebra pupillæ.
 Occiput atq; aures, cilium, caluaria, nasus,
 Maxillæ duplices, & frons sacrata pudori,
 Temporaq; & nares, calami stratiq; capilli,
 Elatumq; supercilium, promissaq; barba.
 Mandibulamq; tegens mentum, labiumq; decorum,
 Os hominis, rostrumq; auium, rictusq; ferarum.
 Hinc guttur subit, atq; imo tonsilla palato,
 Et gula dependens à faucibus, inq; recuruis
 Gingiuis dentes, septæ munimina linguae.
 Affinis iugulo ceruix, collumq; superbum,
 Spinaq; uertebriis toto firmissima dorso,
 Brachia cum scapulis, humerus, manus, ulna, lacertus,
 Musculus, axillæq; cauæ, cubitiq; sequentes,
 Palmaq; cum digitis, index cum pollice, uerpus,
 Sinciput atq; uterus, cutis, & cum uentre papilla,
 Et uentris medium, atq; extremi corporis ungues,
 Hinc laterum robur costæ, præcordia, mammae,
 Intestinorum series, cordisq; recessus,

LIBER

Splen cum felle, iecur, pulmo simul ilia, lumbi,
 Et fons morborum stomachus, uesica, renesq;
 Pectora cum pugnibus, & edax cum clunibus aliis,
 Mentulaq; & femorum partes cum cruribus: inde
 Vulua, nates, inguen, matrix, præputia, testes,
 Cum genibus tali, & gemino cum poplite sura,
 Plantaq; cum pedibus, robustaq; tibia, coxæ,
 Postremiq; simul calces, & quicquid in ipso
 Corpore diuersum superest, propriumq; ferarum:
 Concha, pilus squammæ cum pennis, uellera, setæ,
 Ungula, cumq; toris palcaria, pellis & armi,
 Cornu cum cristis, mox cauda, proboscis & ale.

Sed dum præcipuos memoramus corporis artus,
 Sensim ad res alias uentum est: pariterq; uidendæ
 Quadrupedum species, seuarumq; ordo ferarum,
 Iunctaq; reptilium uarijs insecta figuris,
 Squammigerumq; genus pisces, pictaq; uolucres:
 Et quicquid natum tellus habet, aër & unda,
 Atq; hominis pedibus subiectum, plurima passim
 Sponte sua confert securæ commoda uitæ.
 Principioq; duces, aries, & taurus, & hircus,
 Mox equus & mulus, uerres, maialis & agnus,
 Inde sues, ueruex, cumq; ægris porcus asellis,
 Lanigeriq; greges ouium, petulansq; capella,

Bubalus

Q V A R T V S.

Bubalus ac barrus, uitulus, bos, uacca, caballus,
 Capreoli, leporesq; leues, & odora canum uis,
 Armeniæ tigres, iracundiq; leones,
 Cumq; lupis urfi, lynces, panthera, camelus,
 Simius, ichneumon, erinaceus, hinnulus, histrix,
 Rhinoceros, elephas, crocodilus, cercopithecus,
 Tragelaphusq; hippopotamus cum dorcade ceruus,
 Sæuus aper, uolucresq; ibices, pardi; feroces,
 Syluestresq; onagri, uulpes, leopardus & urus,
 Talpaq; luce carens, crocuta, sciurus, hyæna,
 Castores amphibij, lutræ, damæq; fugaces,
 Murilegi feles, sorices cum muribus atq;
 Mustelis, glires, uiuerra, cuniculus, hædus:
 Ignotæq; aliæ species atq; ora ferarum,
 Quæ passim uariis sine nomine procreat orbis.
 Corporis exigua sunt & quæ mole feruntur,
 Fucus iners, apiumq; genus, uestpæq; nocentes,
 Infestumq; crabro pecus, atq; infestius æstrum,
 Musca, culex, bruchus, cynomya, teredo, locusta,
 Atq; hyemis formica memor, segnisq; cicada,
 Blattaq; papilio, tineæ, & cum cimice bombyx,
 Pyraustæ simul & nitidis lampyrides alis,
 Curgulio, campe, conuoluulus atq; cerastes,
 Hinc cruca, pulex, & amica cruoris hirudo,

LIBER

Stellio, lumbricus, scarabeus, araneus, aspis.
 Scorpheus, aspectuq; nocens basiliscus, echidna,
 Cochlea, & infestus serpens, buprestis & hydrus,
 Tum domi porta subit testudo, lacerta, dracones,
 Tippula, rana, grauis bufo, salamandra, rubeta,
 Cantharis ac limax, scolopendra, phalangia, gryllus.
 Quinetiam liquidis quædam pascuntur in undis,
 Ostrea cum conchis, cancer cum murice, perca,
 Cetus, amansq; hominis delphinus, phoca, balena,
 Versicolor, polyptus, cum passere salpa marino,
 Carpio cum scombris, & cum torpedine rhombus,
 Cumq; halece scarus, murenaq; sepia, salmo,
 Gobius, auratæq; acipenser, mena, silurus,
 Tynnus & anguilla, canis, & cum mugile congrus,
 Hinc lupus ac barbo, mulusq; echeneis, hirundo,
 Quiq; ferunt alijs accepta uocabula rebus.
 Inde genus uolucrum cælo quod gaudet aperto,
 Anser, anas, perdix, turdus, gallina, palumbes,
 Nisus & accipiter, motacilla, monedula, miluus,
 Psittacus hinc sequitur, pictisq; nitentia pennis
 Corpora pauonum, phasianus, turtur, hirundo,
 Vocales merula, fringillaq; frigore gaudens,
 Regulus, halcyonesq; & sturnus, alauda, coturnix,
 Attagen atq; apodes, philomelaq; passer, acanthis,

Pica

Q V A R T V S.

Pica loquax, aquilaq; leues, & garrula cornix,
 Graculus & picus, cuculus, curruca, columba,
 Gryphes hyperborei, phœnix simul ardea, cygnus,
 Struthius ac falco, & cum porphyryone, pygargus,
 Aëriæq; grues, longoq; ciconia rostro:
 Hinc fulica atq; parix, uultur, ficedula, mergus,
 Et cristatus epops, ibisq; infesta colubris,
 Noctuaq; & meropes, bubo funestus, & otus,
 Nycticorax, ulula, strix, uespertilio, coruus,
 Quæq; locis alio uiuunt sub sole remotis,
 Et peregrina tenent cognomina. Protinus illis
 Quicquid in Alcinoi syluis, & Adonidis hortis
 Crescit, hamadryadum saltus, uiridesq; napæas,
 Et quas immenso tellus producit in orbe,
 Vallibus aut campis, fluuijsq; & montibus altis,
 Per uarias species nectemus in ordine plantas.

Primaq; citrus adest, mox cedrus & innuba laurus
 Hinc acer & ficus, pinguesq; sequuntur oliuæ,
 Pampineæ uites, & amictæ uitibus ulmi,
 Persicus atq; pirus, sambucus, amygdalus, ornus,
 Sacra Ioui quercus, frondosaq; tegmine fagus,
 Castaneæq; simul coryli, patulæq; iuglandes,
 Bdellia, lentiscus, fructuq; onerata rubenti
 Arbutus, & lenta uictoris premia palme,

LIBER

Populus & præcox cerasus, nodosaq; cornus,
 Et platani steriles, curuataq; glandibus ilex,
 Hinc abies, pinusq; uirens, labrusca, cupressus,
 Esculus ac teda pingues, feruleq; minaces,
 Molle filer, piceæ, malus, terebinthus: at inde
 Taxus & amnicola salices, lentæq; genistæ,
 Mesphilus & morus, larix, oleaster, arundo:
 Mox hebenus, lotusq; & spinis prunus acutis,
 Et cum iuniperis cytisi, satuaq; mariscæ:
 Hinc tilia molles, & fraxinus utilis hastis,
 Horrentesq; rubi, simul & uiburna, chamædrys,
 Cum rusco sorbus, cum spino myrtus & alius,
 Perpetuoq; uirens buxus, tenuesq; myricæ:
 Milleq; pomorum species, quibus optima tellus
 Expromit uarios ima radice sapes,
 Cum nucleis resinam, & maturo semina fructu,
 Cumq; acinis baccas, glandesq;, uuasq;, nucesq;.
 Hinc frutices simul & nitidæ cum floribus herbæ,
 Balsama cum casia, thus, myrraq; nardus, amomum,
 Acacia & moly, mox dira aconita sequuntur,
 Narcissus, uiola, & nimium rosa plena pudoris,
 Caulis, ænanthe, rododaphne & amaracus, iris,
 Acorus, hyssopusq;, althæa, lauendula, caltha,
 Fœniculumq; anisumq; chelidoniumq; crocumq;,

Rugosum

Q V A R T V S.

Rugosum piper, & pallentis grana cumini,
 Et cum lactucis caryophylla, zingiber: inde
 Ozima chærephylumq; immortalesq; amaranthi,
 Et satùreia thymi referens thymbræq; saporem,
 Salvia, dictamnus, blittum, colocasia, sandyx,
 Peucedanumq; apiumq; melanthia, petroselinum,
 Ambrosia, & bacca semper frondentis acanthi,
 Capparis & tristes inulæ, corruda, sinapis,
 Artemidisq; chamæpityosq; atq; achrados herbæ,
 Allia cum cepis, coriandra, papauer, anethum,
 Corchorus in lachanis, carex, absinthia, spelta,
 Rutaq; serpillumq; & suaue rubens hyacinthus,
 Silphion, antrachne, raphanus, nasturtia, caules,
 Brassica cum rapis, cyperus, spinachia, porrum,
 Pisa, fabæ, ciceres, reliquiq; leguminis ordo,
 Ordeaq; & milium, far, chondrus, auena, siligo,
 Infelix lolium, uiciæ, tristisq; lupinus,
 Triticeæ messes, & humi nascentia fraga,
 Cum fœnugræco staphylinus, aristolochia:
 Hinc crucea salax, scolymus, satyriq; gemelli,
 Marrubium, panicumq; & hyoscyamus, sagapenum,
 Lapsana, uerbascum, plantago, anchusa, simulq;
 Esula cum betis, solanum, strychnus, oryza,
 Lilia, mentastrumq; euphorbia, centaurea,

LIBER

Abrotanum, fefeli, mox & cynoglossa sequuntur,
 Asphodelus, smilax, eryngion, enneaphyllon,
 Pulegij, nepeta simul & borraginis herba,
 Bettonica & scandix, muscus cum rore marino,
 Inde meliphyllon, panaces, scammonia, scilla,
 Solsequium, graucolens cunila, ac uerbena, pyrethrum,
 Hellenium, lupulus, buglossa, filix, adianthum,
 Errantes hederæ, lapathus cum baccare, malua,
 Menta, leonpodion, lentcs, niueumq; ligustrum,
 Cum rutilis ebuli baccis, melilotus, hibiscus,
 Intybus atq; atriplex, boletus, tubera, fungi,
 Asparagi, pepones, bulbi, gelidusq; citrullus,
 Et tenero cucumis, longoq; cucurbita collo,
 Saxifraga, uriganum, mox glycyrriza, melones,
 Granaq; pæoniæ, uacinia, costus, aizoon,
 Anthemis, & uiscum quod non sua seminat arbor,
 Ptisana, symphytonq; cichorea, myriophyllon,
 Clematis atq; aloë, ladanum, hypericonq; foratum,
 Hinc fiser, helleborusq; duplex, & noxia succo
 Galbana, lonchitis, mox camphora, titthymallusq;
 Mandragoræq; simul flores & mœsta cicuta,
 Spinaq; cum rusco, paliurus, lappa, triphyllon,
 Carduus ac tribulus, rhamnusq; urtica, faselus,
 Cum pentaphyllo saliuca, dracunculus: inde

Cannabis

Q V A R T V S.

Cannabis & spartum, linumq; anagyris & eruum,
Iuncus cum scirpo, simul ulua, papyrus & alga,
Stirps, radix, folium, flores cum cortice, rami,
Spicaq; cum siliquis, stipuleq; & culmus, arista.
Sed quis cunctarum vires & nomina uerbis
Explicet, aut possit totidem discernere formas?
Cum plures herbae quam nomina: proinde relictis
Naturæ rebus, magis explorata sequemur.

Atq; magistratus dicemus & officiorum
Nomina, & artificum diuersas ordine sectas,
Archiduces, comites, celsum cum principe regem,
Induperatorem, chiliarchon, & inde tribunum.
Hinc subit inuicti miles cum caesaris armis,
Satrapa, praefectus, gemino cum consule quaestor,
Mox proconsul, eques, uexilliferumq; secuti
Cum ducibus praeco, legatus, scriba, satellites,
Aedilis, praetor, iudex, equitumq; magister,
Interrex, censorq; grauis, sanctusq; senatus,
Patricioq; simul cum dictatore decani.
Carnifici iunctus centurio, lictor & augur,
Pontificumq; grauis fido cum praeside coetus.
Iunitor atq; uigil, cumq; adituente sacerdos.

Sunt etiam uariae famosi nominis artes,
Quas quis uel casu, uel quas ratione secutus:

LIBER

Hinc professorum uenit longissimus ordo,
 Grammaticus, rhetor, dialecticus, inde sophista,
 Astrologus, geometra simul, iurisq; peritus,
 Philosophus, medicus, post musicus atq; poeta,
 Cumq; mathematico socius chirurgus & acri
 Physicus ingenio, uates, phonsus, alites,
 Tibicen, historicus, phrygio, tractator arithmi,
 Bibliopola simul sculptor, cocus, archimagirus,
 Chalcographus, solers pictor, praesagus aruspex.
 Inde propola uenit pariter cum litis amante
 Causidico, post hunc fidicen, uespillo, magusq;
 Pannifices, fullo, tubicen, figulusq; sequuntur,
 Institor, aurifices, mercator, pharmacopola,
 Mox lapicida, faber, cytharædus, pellio, textor,
 Cumq; trapezitis, fusor, gemmarius: inde
 Vinitor, herbarum legulus, factorq; papyri,
 Athletæ, pugiles, & cum cursore probatus
 Schoenobates, tonsor, chartarius & gladiator,
 Quiq; simul statuas, unguentaq; cribraq; sellas,
 Carbonesq; solent & uitra parare, quibusq;
 Bractea, marsupium, pariter cemen, sagitta,
 Pluistræq; carpentumq; dedisse uocabula constat.
 Funnificesq; simul sutor, coriarius: & mox
 Oeconomus, lanus, pincernaq; & architriclinus.

Pistor,

Q V A R T V S.

Pistor, & hinc molitor, mensarius, & publicanus:
 Tum gladiatorum opifex, & notior hospite caupo,
 Nauta simulq; agilis remex, auriga, uictor,
 Agricola atq; olitor, piscator, uillicus, auceps.
 Hinc durus messor, tornarius, histrio, sartor,
 Mulio & ægonomus, uenator, fossor, agaso,
 Pastor & upilio, mox bubsequa, mango, subulcus.
 Inde gradus ueniunt, & iuncti sanguine coetus,
 Agnati pariter cognatorumq; propago,
 Affinis, coniunx uxor, procus atq; maritus,
 Cum socero, sponsusq; gener, socrusq; nurusq;
 Sobrini, patruusq; grauis, geminiq; parentes
 Cum genitrice pater, matertera, consobrini,
 Germaniq; simul fratres, gratæq; sorores:
 Hinc patruelis adest, natiq; simulq; nepotes,
 Mox & auus proauusq; & auunculus atq; gemelli,
 Fratris cum leuiro, iunctusq; sororius: inde
 Vifricus, atq; audax sequitur cum glorie nouerca.
 Priuignus pariterq; amita atq; amitinus: at ultra
 Patronusq; reusq; cliens, testator & hæres,
 Et cum legitimo paruus tutore pupillus.

Nunc simul ingenijs clarorum inuenta uirorum
 Instrumenta, operum uariis quæ postulat usus:
 Et structurarum partes, luxusq; tegentis

LIBER

Corpus, & escharum percurreret nomina carmen.
 Quamquam hæc de multis sint pauca uocabula rebus:
 Mensa, triplos, flibrum, catinus, scultella, canistrum,
 Vrcus ac scyphus, mox amphora, cantarus, urna,
 Olla, lebes, cacabus, discus, sartago, patella,
 Arca, lagena, cadusq; & cocta fidelia limo,
 Libra, calix, modius, crater, lanx, quadra, salinum,
 Pocula cum calathis, guturnia peluis, amussis,
 Et cum pisillo, mortaria, follis, ahenum,
 Fuscina, marsupium, & firmis carchesium ansis:
 Unde ueru, coclear, chytropus, mantile, paropsis,
 Cupa; cum loculis, cyathi, patera; capaces:
 Mox infundibulum, culter, craticula, funda,
 Mappa simulq; abacus, lychnus, cum forfice, cribrum,
 Atq; Cytoriaca plenæ cum pyxide cistæ.
 Tessera cum talis, agilis pila, deinde fritillus,
 Tibia, testudo, cytharæ, tuba, fistula, plectrum,
 Dux laterna uic speculum, candelabra, sistrum,
 Stragula, lodices, lectus, substrataq; mollis
 Culcitra, puluinar, cunabula, sponda, scabellum,
 Scrinia, cervical, iunctisq; aulæa, tapetis,
 Circinus, ampullæ: mox dentiscalpia, corbes,
 Antlia, rastelli, mulctræ, catena, batillum,
 Fusus, uerticulumq; colus, glomus, annulus, orbis;

Filaq;

Q V A R T V S.

Filaq; pecten, acus, simul addita licia telæ,
 Hinc dolabra, limæ, cum forcipe, malleus, incus.
 Ascia cum terebro, cuneus cum cote, securis:
 Tum runcina, scopæ, fabrilia scalpra, dolones,
 Torcular, & prælum, ac dentatæ lamina ferræ,
 Sarcula, uentilabrum, & triplici cum falce bidentes,
 Carpentum, temo, currus, rota, uomis, aratrum,
 Arbuteæ crates, & mystica uannus lachi,
 Stiuq; cum radijs, buris, ligo, canthus & axis:
 Hinc saccus, dolium, contextaq; fiscina uirga.
 Gausape, mox restis, pluteus, lectica, cylindrus,
 Tribulaq; traheaq; & iniquo pondere rastro,
 Sella quoq; & phalera, strigiles, furcæq; bicornes;
 Calcar cum stimulis, & ephippia, frena, capistrum,
 Retia, muscipuleq; amites, pedicæ, atq; matelle,
 Verriculumq; audisq; uoratus piscibus hamus,
 Hastaq; cum clipeo, gladius, uagina, bipennis,
 Claua, simulq; arcus, & plena pharetra sagittis,
 Pugio, bombardæ, catapulta, balista, flagellum,
 Mamica, malluuium, trochus atq; nouacula, parma.
 His quoq; diuersæ succedunt ordine partes,
 Aedibus in cunctis quæ plusuè minusuè struuntur:
 Porticus, aula, domus, pauimentum, limina, postes,
 Ostia, uestibulum, & bifores cum cardine ualuæ.

LIBER

Atria, triclinium, puteus, coenacula, scannum,
 Cum locuplete penu stabulum, uivaria, cellæ,
 Hinc hypocausta, bases, camera, celsæq; columnæ,
 Iuncta; cum caucis apotheca, cubilia, fornix,
 Carcer, & effosso deducta cloaca canali:
 Inde peristylum, testudo, gynæcion, antes,
 Cum fundamento paries, laquearia, portæ,
 Ianua, & interior postica, fenestra, lacunar,
 Pessulus atq; seræ, clauessq; repagula, uectes,
 Pergula, scala, gradus, podium, præsepe, caminus,
 Moxq; culina, focus, fornax, fumaria, furnus,
 Hortus & impluuium, granaria, balnea, turres,
 Area, protectum simul & subgrundia, culmen,
 Scandula cum trabibus, teguleq; & tignus, & imbrex,
 Horrea, cancelli, & summi fastigia tecti.

Sunt etiam nauis partes, & multa supellex,
 Malus, & antennæ transuersis cornibus, unde
 Carbasa dependent, remi, crassiq; rudentes,
 Transstrorum series, pariterq; harpago, carina,
 Ancora cum rostro proræ, fixusq; repandis
 Puppibus, & certo rectus moderamine clauus.

Indumenta simul uario confecta labore,
 Pellibus & pannis, de bombyce, uellere, lino:
 Purpura, pelliciumq; chlamys, toga, penula sindon,

Pallia,

Q V A R T V S.

Pallia, diplois, strophium, multicia, peplum,
Hinc tunicis manicae sunt, & redimicula mitris:
Eysus ad haec, & cum lato sudaria clauo,
Infulaq; & regale decus diadema sequuntur,
Bullaq; & interula, stola, flammea, uitta, lacerua,
Cingulus & caligae, braccæ, prætexta, tiaræ,
Balthæus ac thorax, galeæ. mox fibula, cestus,
Fascia, ciliciumq; & prodigiosa cuculla,
Fimbria, reticulum, chirotheca, monilia, palle,
Sandalium, torques, tremulaq; in uertice crista,
Supparus atq; sagum, loricaq; limbus, abolla,
Centones, trabeæ, cum cyclade, lena, calyptra,
Palludamentum, femoralia, bardocucullus,
Calceus, atq; ocreæ, conus, pileusq; galerus,
Cum soleis, crepidæ, socci, celsiq; coturni.

Sunt etiam omnigenum delectamenta ciborum,
Siue ea dura fames reperit, siue ipsa uoluptas:
Panis & intritum, simul & bellaria, pultes,
Assaq; cum frixa atq; elixa carne, medulla,
Condimenta salis, mox & prædulcia mella,
Saccaron, offa, garum, tucceta, tomacla, polenta
Cum pulpamento, scriblita, botellus, & ouum,
Artocreaq; fauusq; recens, obsonia, manna,
Pappaq; sarcimen, petaso, placenta, butyrum,

LIBER

Durati sale terga suis, cum sumine, perna,
 Cascus, isicium, succidia, deinde minuta,
 Castaneæq; nucesq; & suaue rubentia mala.
 Hisq; epulis grati miscentur sæpe liquores,
 Hydromel, & mulsum, cereuisia, nectar, acetum,
 Potus aquæ, zythum, cum succo pinguis oliui,
 Cumq; mero, uinum dilutum, ac defruta, mustum,
 Hinc murie latices, & optimi copia lactis,
 Vile serum, uappæq; stupor, siceræq; sapor.

Verum hæc humanæ diuis concessa saluti,
 Morborum ingenti contra pensantur accruo:
 Quos tandem pariunt utciati in corpore primum
 Quattuor humores, cholera & cum sanguine phlegma
 Atq; melancholia: & rerum peruersus abusus:
 Namq; aër, cibus & potus, motusq; quiesq;,
 Somnus & excubie, replendiq; insuper ordo,
 Affectusq; animi, multum dominantur utraq;
 In partem, & prauo generant moderamine morbos:
 Qui partem chronici, partim dicuntur acuti.
 Hinc tussis, spasmus, tetanus, dyspnœa, catarrus,
 Vuula, singultusq; & cum raucedine rheuma,
 Strumaq; cum gibbo, sycosis, uerruca, cicatrix,
 Vomica, lichenes, uarix, glaucoma, parotis,
 Et cum furfuribus, cumq; intertrigine scyrus,

Lentigo


Q V A R T V S.


Lentigo ac scabies, & cum porrigine, psora,
 Phthiriasisq; scatens, furunculus, inq; petigo,
 Et quæ uicini corpus contagia lædunt,
 Mydriasisq; simul madarosis, opisthotonosq;,
 Polypus, & graueolens ozæna, grauisq; coryza:
 Hinc & alopeciam sequitur cephalæa, ueternus,
 Leucoma, ægilops, ophthalmia, branchus & aphtha,
 Trichiasis, uutiligo, simulq; scotoma, synanche,
 Et tactu mentagra nocens, epinyctis & alphos,
 Phthisis, erysipelas, anorexia, syncope & asthma:
 Moxq; paronychiæ morbo subit algos odonton,
 Hemicræna grauis, manuum nodosa chiragra,
 Lepa, elephantiasis, cancer, gangræna, parulis,
 Hernia, prurigo, rhagades, tumidæq; mariscæ:
 Inde gonorrhœæ labes, stranguria, & horror,
 Ischias, arthritis, phagedæna, podagra, marasmus:
 Tum dysenteria fluxus, & tormina uentris,
 Cumq; diarrœa, lenteria, atq; tenasmus,
 Icterus, ascites, simul hæmorris, & hydrops,
 Bulimus, & linguens dyspepsia, calculus, ichor,
 Colica, lithiasis, dysuria, mox diabetes,
 Cumq; priapismo, bubon obscænus: at inde
 Cæliacus morbus, pleuritis, & enterocèle,
 Cardiacusq; dolor, tonsilla, nephritis & anthrax,


LIB. QVARTVS.


Incubus, hydrophobus, raptæq; epilepsia mentis,
 Quem morbum herculeū dicunt, sacrumq; caducumq;
 Infaustumq; inter suffragia comititalem:
 Nec paralyſis abeſt, pariterq; epidemica peſtis,
 Ecſtaſis, & mania furor, atq; inſana phrenitis,
 Ileos, abſceſſusq; graues, apoplexia morbus
 Sonticus: hinc herpes, & condyloma ſequuntur,
 Exanthema, ſimulq; oſcedo, cachexia, phlegmon,
 Pulmonis ſplenisq; labor, cephalalgia: febres,
 Heſtica cum putrida, tritæa, & ephemera, cauſon,
 Quartana, atq; alia, quarum diſcrimina nouit,
 Qui ſolus mundi cunctas ſpeculatur abyſſos.
 At nos chiliadas rerum numerare parati,
 Vocibus in medio priuamur: nec tamen iſta
 Nomina cum proprijs pigeat perdiſcere rebus.
 Cætera quæ reſtant, nec ſunt numerata ſub iſtis
 Verſibus, explebunt doctorum ſcripta uirorum.
 Nos quoq; difficili functi mea muſa labore,
 Cum percuſſa graui premere mur pectora fluctu,
 Arma inter media, & rabioſam dæmonis iram:
 Carmina nunc alios potius cantare ſinamus.

F I N I S.










CIRCVLI SPHAERAE

CVM V. ZONIS.



ORDO PLANETARVM

CVM ASPECTIBVS.



REGIONES ET NOMINA VENTORVM.


SEPTENTRIO.

Θρασκίας	Απαρκτίας	Βορέας
Circius	Septentrionarius	Aquilo
	Nord.	

Αγέως
Caurus

Ζέφυρος
Fauonius
Vuest.

Αίψ
Africus



Καικίας
Helleſpōtius

Απηνλιώτης
Subſolanus
Oſt.

Εὐρῶ
Vulturmus

ORIENT.

Λιβόνους	Νότος	Εὐρόνοος
	Auſter	
	Sud.	


MERIDIES.

VNIVERSALIS

Ordo Climatum



SEPT



COSMOGRAPHIA


















































-453-

c

J548
H775r

